

河南通志序

國家定鼎燕京自畿輔以外分天下
爲十四布政司而兩河獨樞紐四
方譬諸一人之身四體百骸粲然
畢備而腹心實居其要云自明
以來兵火相仍郡邑丘墟土□□
棘戶口耗減腹心受病視四□□

河南通志序

一

較甚欲驟起凋瘵而血肉之憂
乎其難哉余奉

命填撫茲土閱兩稔餘矣敷貪墨□
農桑興學校厲軍實蚤作夜思罔
敢暇逸修舉廢墜漸有可觀而寤
寐中州全盛之遺則未之或逮也
因思嵩室磐于鞏洛天中貫乎九

丘太行北峙崑函西拱黃河淮□
擅四瀆之三汴洛兩京扼都會之
要士習淳龐民風勁質聖賢豪傑
之篤生道德詩書之闡教輝映古
今不知凡幾矣而戈鋌煨燼之□
文獻無徵何以昭治法颺盛典□
舊有通志一書明天順間創始□

提學副使劉公昌後十餘年副□
胡公謐略加芟潤後八十年續□
于都御史鄒公守愚又三年而□
成于都御史潘公恩迄今百三十
年矣記載缺然余竊悲之爰檄郡
邑各修厥乘顧以編次倉猝舛訛
實繁更屬分巡大梁道副使沈君

荃補其缺略訂其紕謬殫筆削之
勞窮晝夜之力自春徂夏遂有成
書余不揣疎陋覆加裁正焉凡山
川之修阻人物之烜赫文藝之
英以及輿圖星緯城池疆域田
戶口風俗物產祠祀古蹟之屬
一展卷瞭如指掌不亦詳而核

而要歟夫志者記也記已往所
詔將來也李廌有云洛陽盛衰
下治亂之候也豈非腹心有安
而肢體之榮悴因焉兩河昔當
度以腹心之暢適爲肢體之粹盎
故前代重熙累洽四海晏然民至
老死不見兵革迨巨寇流毒中州

以腹心之鬱結成四體之凋瘵而
天下岌岌矣今

至仁在宥思急起而血肉之太平之
運實基于此倘因循故事不加振
刷彼丘墟者何以烟火荆棘者何
以桑麻耗減者何以殷富而中州
全盛之遺將終不可見乎則是志

之徵信于前而併垂戒于後係誠
鉅也後之人蒞斯地也披斯志也
惓惓乎腹心之重予以暢適而不
予以鬱結豈惟中州之福實天下
之幸而余謬附纂輯之役且亦與
有榮施矣

順治十七年歲次庚子仲夏

河南通志序

誌曷昉乎山海有經九鼎有鑄禹
貢載在虞書職方臚之周禮胥是
類也邽國無誌是渾沌可使無睂
目窅室可使無燈燭瞢然無所覩
覲可不可也顧秦漢以降分合之
局不一偏全之勢互岐控制所不

河南通志

劉序

一

按院

得而及輶軒所不得而至則亦各
籍其域而已而求其犁然畢備者
前代或庶幾焉維時混一旣成畫
疆而守源於邑流於府會爲通省
朝宗於大一統均有誌焉河南誌
亦滄海中之一瀆也然自流氛闌
入盤踞多年銅駝蕪置於雒陽玉

欽差巡撫河南等處地方提督軍務
兼理河道兵部尚書兼都察院右
副都御史加一級河東賈漢復撰



若臣之能揚休命以首開八裔之
文治也如是若臣之能彙輯成書
以繼禹貢職方之遺蹟也如是懸
之

國門天下是倣一代之治實始乎
此敢拜手以爲天下賀

順治十七年歲在庚子五月之望

巡按河南監察御史李粹然撰



河南通志序

歷代有史郡邑有志紀事焉爾周
官職方掌之史詳大志詳小土物
方言義取乎其備也然則美惡並
書史氏灋也志何以書美不書惡
各言其鄉諱辭焉爾古者西都鎬
東都洛惟梁始汴有宋京之天文

誤以房心分野何誤乎爾周南則
柳汝南則張召南則氏汴毫則角
亢魏衛覃懷則壁室星躔四方豫
州天下之中也禹貢包絡九州至
秦郡縣星離豆割豫且析而爲百
龐雜莫紀扶風志輿地文始粲然
全豫有志何昉乎爾明洪武朝成

地志一統志省會亦各以志進中
原文獻其首庸也書地類從今名
系古建置何居一開封也言春秋
鄭衛不知言戰國梁魏不知言秦
三川不知言漢陳留不知言隋汴
州不知言宋東京金南京元汴梁
不知則其他可知也維周卜洛封

國如置碁爲杞爲項爲沈爲郟爲
鄆爲柏爲房實始封子共伯申伯
胙國虢國沙侯息侯聯綴其間志
紀縣不紀國者何志以代作人自
紀其代重王會也九州之外更有
九州豫州九州之中其云中者中
中土也東則南潁南宿或大名之

內黃滑縣皆稱衛地南則湯陰鄰
於濬濬本於衛南陽鄰於襄南陽
本楚其與鳳陽相接則汝之上蔡
猶是鳳之下蔡也西則陝之華陰
楚之鄖縣若壺關陵川絳州戰國
晉地三分是魏土卽晉土也北則
兗之曹縣廣平之邯鄲曹宋唇齒

秦所置邯鄲郡者彰也書山者何
嵩嶽而下王屋太行桐柏嶼峪次
之書水者何黃河而下伊洛澗漣
溱洧淇澳次之形勝必書中原之
險易出其中關梁必書中原之要
害出其中古蹟必書中原之流覽
出其中風俗必書中原之淳澆出

其中土產必書中原之方貢出其
中宮觀廟墓必書中原之憑弔出
其中名宦流寓人物必書中原之
傳人傳政攷古鏡今出其中至如
戶口之贏縮以世殊賦役之重輕
以代異尤志之所宜詳其不得而
詳者何也戶自有冊賦自有書詳

乎彼者不詳乎此也志何以必修
今修替後又修今此而不修前事
存後事闕是有志無志也歲月浸
久字磨板軼必務新之此而不修
遺文湮滅是有志無志也貯板於
公廨蟲蝕之暑浥之雨腐之甚而
火之兵又斧之煙雲飛蕩是有志

無志也豫省之志多廢者何也明
季流人煽毒虓鬪中州者幾廿年
掌故悉焚余奉



簡書荒度茲土所過郡邑得舊志僅
什之一且殘落不可以讀慨然思
復之至汴晤撫軍賈公膠侯已先
我而編其志甚偉

今天子撫有區夏東南一尉西北一
侯幅員之大前古罕聞行且
命儒臣廣輯輿圖纂成全志爲
昭代鉅觀則省會獻書殆自此一方
始晉鄴侯入關止收圖籍朱考亭
所蒞官必先修志乘賈公斯舉亦
此物此志也余乃得藉手名藩如

古輶軒之使蒐採方聞以共觀厥
成余不朽矣

順治庚子孟春之吉

河南察荒監察御史李森先撰



河南通志序

粵稽有虞以玄德膺錄天生大禹
以佐之玄圭旣錫蒼水旣降爰披
九山爰通九澤爰定九州天地平
成任土作貢時則有禹貢一書紀
其事有周以冲齡陟位天生公旦
以佐之入而負宸出而衣袞爰建

河南通志

李序

一

按院

土圭爰奠九鼎爰制禮樂三百六
十各有執事金錫漆林各有常賦
時則有職方一書揚其烈

今天子玄德直軼虞帝冲齡比跡周
王天子是篤生名佐頡禹埒旦繼
禹貢修職方奠撫中土蘇剔民瘼
生聚教訓次第經理爰是臚其天

地生產風氣服食之宜與夫人物
賢愚制度因革山川土田之要彙
作一書以對揚

天子之休命以首開八裔遠近之文
治則

大司馬賈公纂輯河南通志誠偉
哉盛舉矣夫河南天下之樞也河

河南通志

李序

二

按院

南之治天下之治之始也余以駑
鈍代

狩茲土自鄴下歷鄘邶抵河內想
魏武之雄風其人剛勁多氣節念
康叔武公之德則忠厚餘俗固至
今存也乃若光武河內比高帝秦
關豈非沃野堅城太行孟門有可

恃者乎至大河以南諸郡汴州灌
矣枚馬侯朱文人俠士今不異昔
宋州多老莊遺學三川則賈誼賈
至之詩文流風未沫宛鄧汝南則
召杜教化陳蕃黃憲之行誼彷彿
可覩也余也驅車所至辨其星土
以及里道察其戶籍以及田賦褒

其風節以及文章考其長吏以及
俗習覽其嶽瀆以及丘澮關梁蓋
幾經跋涉歷月日而始徧之方欲
摭采見聞上告

黼座而不虞賈公之先獲我心也編
旣成余受而讀之所謂天地生產
風氣服食之宜與夫人物賢愚制

度因革山川土田之要畢萃於前
如披王會之圖蒲穀桓躬秩秩乎
星羅棊布如觀紀律之師卒伍部
曲翼翼乎川渟嶽峙也舉余之經
跋涉而後悉者今竟於几案悉之
舉余之歷月日而後盡者今得以
一覽盡之覺星土里道猶是而加

詳戶籍田賦猶是而加核風節文
章猶是而加廣長吏俗習猶是而
加晰嶽瀆丘澮關梁猶是而加辨
豈曰實獲我心抑更匡余不逮矣
今天子聖神天縱憲章古今試覽賈
公此編必將曰若臣之能奠中土
也如是若臣之能乂民生也如是

河南通志序

九州之域廣矣豫莫乎中山川人物風俗形勝甲于寰海史書所紀詳哉言之至其該且洽綜而核者則無如通志也慨自二十年來兵燹頻仍河流決徙非惟方策散佚卽井邑城郭靡不蕩焉丘墟

河南通志

徐序

—

按院

今上恭膺景運混一區寓絕徼遐荒委心皈命揆文奮武內外恬熙顧以兩河凋瘵民生未遂特簡大中丞賈公畀節鉞鎮撫之繇是流亡漸復興革大舉釐經界而一賦稅正風俗而飭官常不三載而治化蒸浹克觀厥成更于退食之

暇盱衡徃古諮訊興廢謂通志一
書所關良鉅而乃任其廢缺不加
哀輯斯司土者之責也爰檄八羈
長吏各修厥乘旬月之間咸以方
言來會復廣羅名彥彙纂旁搜更
屬巡梁憲副沈君論次刪補以石
渠之筆勒千古之書皇哉煒哉洵

方輿盛觀矣余濫竽藩政謬董是
役惴惴焉惟懇勿克勦事乃戒吏
人夙夜匪懈幸不渝寒暑告厥成
功可無一言以揚挖休美乎夫有
一代之治必成一代之史我夫子
因魯史而作春秋所紀載者列國
之事而上係乎賞罰予奪下切乎

世道人心故隻字褒貶俱有深意
今之志猶古之史也其事雖不越
乎一方然星野之躔次山川之盤
紆戶口田賦之盈縮宦蹟人物之
隆替與夫文章制度因革損益之
宜氛祲災祥盛衰治亂之故一展
卷而犁然畢備俾後之覽者有所

觀感奮興景企曩徽劬勩

王國樹駿流鴻非異人任則卽以是
爲金鏡一編可也豈僅區區中州
文獻已哉是爲叙

峯

順治庚子仲秋穀旦

河南等處承宣布政使司左布政

使徐化成謨



河南通志

徐序

四

按院

虎波沉於鄴下殷都摧爲榛莽梁
園化爲蛟宮而且杞宋之文獻無
徵汝南之耆舊安在人物且歸劫
燼矧編摩之寥寥者爲我

大清焱驅電埽一舉而登大寶注念
中州

特簡重臣歷有綏輯越十有七稔而

河南通志

劉序

二

按院

車書玉帛莫不來享來王猗與盛
與於時

撫軍膠侯賈公節鉞其地剔蠹集
鴻百廢具舉慨然以修復通志爲
已任捐資募匠闢館延賓摻討遺
章鈔叢衆媿斂獵而鈇搃之勒爲
五十卷凡數閱月而書成余適肅

承

簡命有攬轡之役獲一寓目焉曰於
都哉兩河之勝之爲天下樞也攷
之豫爲寰瀛之中居九州之要東
距齊魯南趨鄖襄西連秦晉北接
燕薊四通八達爲古來必爭之地
如人之有腹然腹之精氣滿盈則

四肢百骸厥脈條暢不爾尪羸之
象漸萌雖彊陽振拔無以自保其
元命曩者虺蛇旁午如蠱在肝脾
腸胃故撼脊而首摧撼臂而臂折
扁鵲俞跗望而却走我
清審其要害擇人俾乂疆理綏懷無
所不至而一統之盛治胥基於此

矣且也一方作之四方則而倣之
膚寸之雲崇朝而徧天下異日者
上之爲蘭臺石室之藏嘉乃始績
纂修一統大誌必以公爲首稱其
所以弘一代之文教者豈其微哉
抑余更有取焉取其足以資攬轡
之所不及也凡蹟之散而無統者

泛漫而罔稽事之聚而有歸者綜
核而易見故觀乎阨塞而丸泥桑
土之計可預籌也觀乎瀦澤而金
渠芍陂之制可復詳也觀乎屯堡
溝涂而羊祜棗祗之經營可再覩
也觀乎戶口之登耗賦役之繁簡
而酌盈劑虛恤困哀犇之至慮亦

可旁皇而周浹也况覈武備則
制有術必不至有脫巾之告閱學
政則釐飾有方必不至有躍冶之
訾仕蹟有美刺而善敗可以相繩
人物有臧否而得失可以自鏡又
何莫非益人神智之大端耶不然
卽令僕僕焉跋涉山川採風問俗

恐不若是之博而有要勞而有功
也然則余何幸而親沐公之芳澤
又何幸而親披公之要領耶古之
人謂丈夫立世有三不朽曰立德
立功立言公之功德旣加於時而
言又足以傳之無窮可謂無媿古
人矣余之敷歷附是書以傳不朽

抑又何幸與因援不律而弁之簡
端
峇


順治十有七年歲庚子孟秋吉日
賜進士出身奉直大夫巡按河南帶
管屯田監察御史濮陽劉源濬書
於汴梁公署

河南通志

劉序

六

按院



河南通志序

古之有志也蓋史之一端也今之有志也所以補史之略也何言之九丘僅存其名禹貢職方屬詞尚簡自班固志地理歷史因之由漢迄元未之有改也故曰史之一端也今之志則綜括散佚網羅舊聞

名雖仍乎山川風土之舊而體實兼乎編年列傳之遺史舉其大綱志載其條目故曰補史之略也河南爲天下之中跨古冀兗豫三州之域天躔十二而此得四焉恒星四七而此得十焉百城碁置六省牙鎔大河以北太行右環三臺之

固是名鄴都二漳滌河北望井陘
爲彰德淇水湯湯三監故國爲衛
輝北負太行王屋據天井之險濟
水中貫爲懷慶自盟津踰河漣東
澗西伊洛之汭周漢魏晉之都在
焉西控崤函顧瞻二室爲雒陽熊
耳方城之陽東漢之南都也接武

關通襄鄖爲南陽粵瞻桐柏前阻
冥阨三關之隘襟帶荆揚交流淮
汝爲汝寧睢水之陽宋稱南京控
制徐鳳曹單爲歸德而總其都會
爲開封地四平無阻五代宋金之
故都也是八府者皆樞紐天下輻
輳四方羈縣殷富而奇偉篤生當

世之士多仰中原文獻之傳矣乃
自明季以來兵燹頻仍故老罕存
典章缺軼

大司馬賈公來撫是邦慨然懷古
而證今有深長思焉開局延英哀
集諸志總成一書屬 憲副沈公
筆削之皇哉唐哉甚盛舉也余以

督鹺及汴實與創始夫賈公以撫
軍牧民之暇而博綜乎典章圖籍
之繁沈公出其承明著作之餘而
考據乎山川人物之備使官于天
下者盡若二公則金匱石室之藏
實有嘉賴母論班范未敢比肩卽
以媲美于禹貢周官何多讓焉賈

公撫豫多善政茲以序志也故不
書

順治庚子孟夏之吉

巡鹽監察御史田六善撰



河南通志

田序

四

鹽院

河南通志序

順治拾柒年庚子秋捌月

大司馬撫軍賈公纂修通志成業拜
手稽首進獻于

天子矣荃不敏謬與編輯之役不敢以
不文辭因綜叙始末識之簡端粵攷
豫志五代以前無論已自宋始有夢

河南通志

沈序

一

巡道

華勾異諸錄及溫公所序朱次道長
安志然世遠已不可攷明天順成化
間憲副劉公胡公艸爲通志越嘉靖
乙卯大中丞鄒公續而成之距今復
百有餘稔我 司馬賈公秉鉞蒞止
銳意修舉恫故典之日湮念成憲之
未備慨然曰是予之責也夫是予之

責也夫于是檄修志之令下所司司屬之郡郡屬之州邑要以月日程以規條不踰年而八郡十二州九十五縣之志漸次報竣乃設館局聘名彥購遺書訪故老捃摭裒輯鱗次櫛比數月而彙全書顧以其間義例未安詳畧失當且多金根帝虎之訛更命

荃覆加裁訂以觀其成余惴惴懼勿克襄厥事惟是殫夙夜之勞集衆思之益網羅舊聞搜揚散佚更取前志而一一折衷之其昔訛而今核者圖考沿革也昔遺而今備者星野河防城池學校也昔列而今裁者聖蹟也昔分而今合者寺觀也備遺也至山

川增十之一職官選舉增十之七祠
祀陵墓古蹟增十之二三藝文增十
之四其戶口田賦公署詳于今者因
時也帝王封建仍夫舊者存古也名
宦人物孝義隱逸流寓仙釋方伎列
女前者勿之逸後者勿之濫也曩所
未載補其訛漏今所宜採廣其見聞

文無可據姑闕疑以待事有足述必
徵信以傳凡爲圖三十一爲例二十
爲類三十爲卷五十爲幅二千有奇
爲言一百三十餘萬自夏徂秋日涉
手錄且繕且梓雖簿書旁午戎馬鞅
掌靡敢間也又四閱月而剗劂乃竟
余猶惴惴懇勿克襄厥事其裁定則

稟之 大司馬公論證則豫中諸荐
紳先生校訂則前後禮聘諸子而鳩
工集事始終董率者方伯徐公之力
居多焉而余乃因之有重慨矣夫古
來建不朽創非常者其始皆有所繁
重艱苦又多將成而輒阻及半而中
撓藉非擅敏決之才具特達之識與

夫一往不回之志貞固強毅之力其
鮮克奏成事而樹偉業也明矣至安
眉睫者忽百年務猥瑣者忘遠大又
或遲徊澗涘蜷曲趨趨甘讓美于後
人而不獲堅自振拔表著聲施者比
比然也余考前代自太祖至世廟累
洽重熙浸淫沐浴其間聲名文物制

度禮樂旣燦然大備矣似無難緝遺
編以垂信史乃遷延至一百八十餘
年而始勒成書後之覽者尚有遺憾
至乙卯以後歷隆萬迄啓禎又九十
餘年由盛而衰事多可紀况故府金
石之藏未泯世家耆舊之說可徵官
師所守稗野所傳更足資裨聽聞乃

竟無一人焉毅然任斯舉而不辭者
卒使勝國百年間事付之銷沉漸滅
之中斯豈盡才與識志與力之勿逮
歟抑皆因循巽懦耽安習故如前之
所云者歟而 司馬公于滄桑鼎革
之後兵燹蕩析之餘輪蹄絡繹戎馬
交衝徵輸調遣勿違啓處之日舉從

前之所不能爲不敢爲併不欲爲者
而顧汲汲焉斷斷焉必爲之且爲之
必要其成成之必期其速以難若彼
以易若此其度量相越何等也然則
司馬公之才之識之志與力固不
特一通志爲然也而卽此志以觀寧
不足表聲施于無窮炳大業于不朽

哉獨是舊志纂于西亭朱君之手君
以宗室賢尉博洽能文章屬承平累
葉典文昭備得以專志撰述然猶需
之浹歲之久余早歲登仕版廁金馬
史家之學曾未殫心自濫竽茲土簿
書填牘供億紛繁日跋跋于牛馬走
益荒落不足道而猥以 司馬公命

龜勉祇承既鮮故府金石之書又無
世家耆舊稗官野乘之紀雖藉諸君
子孜孜贊理而倉卒告成其或僊而
寡文蕪而失要舛訛而未精詳者知
不免也此固余之終惴惴懇勿克襄
厥事而重有愧乎編輯之役也夫
賜進士及第中憲大夫河南按察司分

河南通志

沈序

七

巡道

巡大梁道副使前 內翰林國史院
編修華亭沈荃拜撰



序

志者誌也所以佐史也世代興革陵
谷變遷其間風移俗易事不勝數非
備諸紀載烏能使人披圖而誌之動
其盛衰之感而知古今之所由異也
哉天下十五國中郡縣各有志而通
志總其成因乎分野以都會爲之綱
而郡縣爲之紀縷析乎山川之勝物

產之宜戶口貢賦之數以及乎帝圖
王會之興廢而名侯良牧遷客騷人
政事文章莫不備載以當採風故曰
所以佐史也史貴乎徵信歷年旣遠
必且因時而釐正之惟恐缺遺况當
王肇興沿流損益稽天運以定人事
關乎盛衰尤鉅焉是非當代佐命躬
定疆土嘉意生民曷與藉手以觀厥

成豫志不自今始也其先成於姑蘇
劉公欽謨而繼則會稽胡公廷慎莆
田鄒公一山增修之志亦幾詳矣顧
滄桑之際豫居嵩雒之中貫淮衛接
襄黃兵革交衝創殘獨甚圖籍之遺
幾何不從玉石而俱燼凡夫勝國之
典章故老所傳聞需及時裒輯以徵
信于後世則豫之志又不可不自今

始也膠侯賈公從

龍碩輔奉

簡書以蒞茲土出湯火而衽席之豫之
再造於公者功施爛然雖視古分陝
之勛何多讓焉乃公政成之暇欲以
其手造全豫者前古後今彙誌之以
備外史蓋公之畱意于盛衰不小也
于是簡摎遺文博訪耆碩將董其成

而問序于予予豫人也豫之志宜乎
載筆以從公後而予方受

天子命爲冬官長拮据考工之不暇不
獲輔稗官野史之不逮予滋歎已周
禮大司空掌土將簡稽天下之輿圖
戶口阨塞而察乎貞淫奢儉之風以
觀國是人心之變予之所宜觀成者
固不止一豫志也然而豫之志予未

能載筆而藉公政成游刃予得袖手
以觀予又何幸也俾後之人披圖而
誌之見夫形勝如彼風俗如此替之
所以廢今之所以興其關乎盛衰者
靡不由茲也志也是所以爲史也是
以質言而爲之弁其端云

順治庚子五月旣望

特進光祿大夫侍

經筵少傅兼太子太傅工部尚書前刑

部尚書大梁劉昌撰



河南通志

劉序

四

尚書

序

河南通志者備兩河古今紀載之書也河南居天地之中姬公卜洛曰陰陽之所交風雨之所會故登封有測影臺在焉壤兼兗豫冀三州之域星占角亢房心室壁柳張之野四履所至各千餘里山則有嵩行具茨崤嶽熊耳之高川則有黃河淮濟洛汭漳

沁之大人則有伊尹太公望老聃之聖申伯仲山甫潁考叔甯越甯戚燭之武國僑司馬耕原憲蘧伯玉之賢管大夫張留侯鄧高密之勲業賈誼賈山之奏言黃霸劉昆杜詩之治行韓退之之文章黃叔度之器識程伯淳正叔邵堯夫謝顯道許魯齊之道德皆出於其類拔乎其萃卓朕古今

者也東汴西洛兩京同建龍馬龜文
圖書並出雪苑銅臺勝蹟斯存三花
著草靈物標異眞踞九有之腹心而
擅海寓之最勝矣二十年貔獠鼓焰
故宮黍離文獻同燼中原雄麗幾不
可起故老而問之

大司馬曲沃賈公來撫斯土闢草萊
綏遺黎生聚教訓化行政舉迺蒐討

故實纂輯省志禮聘八郡宿儒分任
編摩周訪三吳名士復加蒐採而討
論筆削耑借之巡梁道繹堂沈公公
以鼎甲詞林明試外臺本其富有之
學奮爲藻筆而大司馬更手加潤澤
屬稿旣竣余受而卒讀義博而整類
簡而該大綱斯舉條理燦具髣髴如
見兩都繁盛之舊而嵩行河洛雪苑

銅臺宛在楮墨間與圖書人物共標
天中之奇爲四方之具瞻者彰往詔
來垂示法戒顧不偉歟嘗稽遷史鄴
侯隨高帝入關諸將爭取秦府庫財
物何獨收相府圖籍以故周知戶口
登耗之數關河扼塞之險佐高帝成
一代興王之業有繇狀也今
天子肇造寰夏百度維新

賈公膺分陝之任迺首留心文獻而
輯成通志正與鄴侯用意畧同可謂
知所先務矣若夫兩河縮轂諸省師
徒絡繹征調旁午土滿河決剪棘沉
璧宜乎日不遑給而公獨精神暇豫
四應不匱出其緒餘以興文事杜元
凱注左氏于帥襄之日張茂先志博
物於鎮幽之時古今人何多讓焉

固其才分有大過人者夫

順治庚子中秋

資政大夫禮部左侍郎加二級兼翰

林學士侍

經筵致仕孟縣薛所蘊題



河南通志

薛序

四

序

厝世界於太平者非文章與經濟乎
是二者同功不同塗相殊亦相濟大
約以經濟爲文章則無意爲文而文
誠以文章爲經濟則有意爲文而文
僞亦在審其源流而已奚以明其然
也爲經濟者曰大丈夫睂骨率然卽
安能俯首蟲魚效經生作咕嗶業或

河南通志

傳序

一

侍郎

投筆慷慨圖畫麒麟或攬轡澄清坐
鎮千里凡所以上報

君父下慰蒼生者必不在區區著述間
也爲文章者曰古人之書莫非經濟
矣於經則禹貢周官於史則史記漢
書其中包羅天地蘊蓄經綸凡夫象
緯之變遷幅員之廣狹山川之滄峙
財賦之多寡民生物產之所以蕃節

義文學之所以著井田學校之所以興道業術數之所以辨因革同異粲若列眉是知古人非盡無用之學而坐而言者皆可起而見諸事語云文章經國大業豈不信哉余嘗取二說而思之蓋相殊而適以相濟者也奚以明其然也禹貢周官二聖人皆不欲以文名世者也彼惟足徧九州心

周萬變龍虵橘柚之奇雜處胸中醢醢畜穀之宜紛披掌上勒王制於一時卽已成鴻編於千載志切救世非僅摛文若夫龍門扶風二子抉擿三才侈譚經濟而紙上設施與朝廷布置固自難同况乎風雲月露祇足粉飾太平而介甫諸人類以經術旤世故日報

君父慰蒼生者亦在審其源流而已吾
茲於
大中丞賈公通志書成而悟斯義焉
公魁梧倨儻束髮時卽以天下爲已
任所謂投筆慷慨攬轡澄清者蓋惟
公能兼之

天子簡拔鎮撫中州下車以來察星緯
理幅員山川受職財賦底慎民生遂

河南通志

傳序

三

侍郎

而物產盈節義修而文學盛原隰比
其魚鱗黨塾培其鵬翼倡道業於師
儒闢袞說於二氏公蓋經濟人也亦
不欲以文名世者也惟是飽飫喬嶽
大河之氣深觸民物利弊之情積之
旣久籌之旣熟乃效古者列國有史
之義彙作一編以報

當宁以啓後人余讀之典而核簡而潔

方之班馬則非復空談擬之禹周則實同一轍

盛治規模於斯可見天下文章莫大乎是矣昔人笑隨陸不武絳灌無文說者又謂周勃少文陳平少質今得我公而文事武功可以一人謀嘉謨嘉猷可以一身備爲千古文采之士祛其華吐其氣爲千古有爲之人救其

僿揚其樸信乎以經濟爲文章則無意爲文而文誠公其審於源流誠僞之義也與余也覩

明良之治化慶梓里之太平敬爲數言以述其槩

皆

順治十七年歲次庚子七月十一浣吉

旦

序

粵自皇建誕保階符平潤大人首出
以寧萬國玉帛鐘鼓咸稱大備而職
方氏乃列諸禮官隸以大司馬蓋逖
稽天下圖籍以觀風俗以審阨塞以
矚利弊是以垂拱攸資洵亓亓鉅典
哉茲者

聖神龍御六幕葵傾招搖泰澤錢來檄

河南通志

熊序

一

蝨莫不琛賚賔貢且

謔詢講幄蒐古繩今追三邁五懷英
茹華之名碩濟濟

闕庭正才人彙征之際也我

中丞賈公節鉞蒞我中土角亢之躔
景卿流繞諏民痾隱之餘乃造然嘉
意於輿攷曰豫州闡闕蒼黃帝王都
會跨齊秦而躡燕趙太行王屋澗池

大河紫映碧環如畫尹僑荀謝萃止
厥隴二十八次舍十五國流峙胥於
茲含乃樞紐以是人文鬱懋焉涉歷
於斯域而不披擷其山川人物土俗
民宜之委宛以上諸宗伯用備

宸衷採訪又奚庸奉茲皇華爲爰檄郡
邑集厥故乘徵文式獻存其可削其
否刪其繁綴其闕俾汝濱邲廓之徽

河南通志

熊序

二

煜爾再覲其爲

熙朝盛治光僉景睇今日周召書成而
吐鳳翔鸞竒輝燭漢鮮邦何幸獲邀

大君子霜毫篋搆楮貴軼良史

滑

也

稱臣草莽拜展蝌蚪玄文齏颺忭舞

如向

天顏賡對如與岳牧晤歌怡心豁目雖
解組不翅隨鴛卽云織蜿罔足頌神

龍而躬此鴻業告竣能不巴效蕪辭
仰附不朽也哉渭又有竊慶者將見
聖天子瀏覽攸暨因是書而卜公瑋抱
黃扉一席金鳳遐宣寧止榮遺我疆
行欲福及薄海則公之惠績又曷其
有既

都察院右都御史管刑部右侍郎事
予告天中熊奮渭撰

河南通志

熊序



序

國有史直省羈邑有志皆以記事爲名而義例有不同焉史者天下之綱紀以時日爲記載叙斷嚴覈褒斥彰著太史氏掌之天子不得撓其權志者州里之圖譜以疆域爲界限有沿革而無創豎有表章而無摘發士訓氏掌之故老宿儒得以叅末議而備

考稽嘗試論之帝典史所自出也禹貢志所自出也志有沿革而無創豎有表章而無摘發何也曰帝德同天風雷並用禹功行地隨奠維因疆域從地有美含之以從王事無成而代有終也仲尼道兼帝王德配天地故春秋合史志而一之貫易書詩禮樂而爲六故曰經不曰史也太史公曰

非好學深思心知其意固難爲淺見
寡聞道也史誠有之志亦宜然

清興十七載準古酌今監前垂後大綱
犁舉史館得人一代制作炤燿千古
矣

大中丞賈公以間世崛起之才際昌
隆鼎新之會秉鉞豫士矢志建白興
除釐剔迎刃砉然乃慨朕于天中典

故未可諉諸瘡痍甫定讓能者于百
年也檄行司府州縣網羅裒輯今簪
備載業已次第報竣矣又念所在呈
稿燦若星布無總志以統之尚非經
天之業用是更延名碩開局省會授
以意指俾加叅訂摻往牒按今事據
殊域歸一同刪繁就簡改訛從眞補
缺成全增續附正其間風俗之淳澆

田賦之贏詘郵傳之繁簡河流之翕
決戶口之登耗靡不提綱挈領臚若
列眉焉是役也屬草肇自客冬成功
告于浹稔成之日中丞公命予爲弁
言予受知于中丞公久不敢以鄙僿
無文辭予于是羨諸子之殫精不苟
更服中丞公之主裁獨至也武侯曰
集衆思廣衆益周子曰明通公溥庶

矣乎中丞公有焉予又感中丞公志
人物之深心也三代而上邈矣今鄉
之士大夫道德有如二程者乎事業
有如姚崇韓琦者乎武功有如鄧禹
岳飛者乎文章有如賈誼韓愈者乎
清隱有如黃憲申屠蟠者乎名宦功
績有如蕭何曹彬者乎勁直有如汲
黯包拯者乎吏治有如卓茂魯恭者

乎節義有如張巡許遠者乎流寓經
濟有如諸葛亮學術有如邵雍者乎
當世而有其人焉旦暮遇之也當世
而未有其人焉跂予望之也中丞公
之造於吾豫固不僅正俗墾田調驛
濬河集亡之兢兢也推此心也晉陟
綸扉宰制天下此物此志也寧第以是

編備

河南通志

李序

四

通政

國史之采擇已也此予拳拳之曝私
拭目以俟者也

順治庚子季夏上浣之吉通政司通
政使李日芳撰



序

志者何志方物也志人文也明建制
之防鑿禮樂政教風俗人心之得失
也稽古作貢任五土而周禮保章氏
遂以星野列爲九州試環盱八極側
身俯仰吾大梁所隸寔爲大塊之中
區故考職方則域當豫兗冀三州之
界測天官則躔分角亢氏室壁柳張

七星之野其間山川人事鉅麗弁于
天下帝王更都聖賢代作風教固殊
焉余嘗吹竽諫垣一命論文于甌越
再命視河歷關隄見所謂禹穴異人
曠古之遺跡又探瓠子歌宣房而知
咎人之明德甚遠未嘗不思譜其美
盛而願與不朽矧屬梓里而顧任其
故實淪遺圖書散亂摭採編摩之無

聞也但徵獻考文興道致治乃官長
事非編民事耳雖有其心不敢僭焉
大中丞賈公奉

命撫茲土駐節以來先百職和軍民修
廢舉墜莫不具興乃復彙八郡之輿
書而謀諸長老羣賢士以輯之爲三
川通國之獻典書成遣使問序余搦
管而言曰吾邦處天下方域之中則

凡爲方域皆中州也天下名山巨浸
碩德偉賢皆中州之所有也紀述中
州則天下區宇之環拱乎中州者繫
焉故大梁輿圖之所述邑乘釋史之
所載犁然有獨詳焉者然而理數推
遷星移物換則時有不同也兵荒洊
臻城廓淪毀事有不同也戶口散亡
徭稅支離勢有不同也物賤徵貴物

貴徵賤情有不同也因革損益利弊
相承政有不同也宦蹟選舉盛衰相
因數有不同也至于邪正曲直貞淫
美慝善善惡惡貴賢賤不肖而風俗
人心先後大不同也其著者如桐封
分采簪則八郡維藩而今歌禾黍矣
屯田釋兵昔則犬牙相鎔而今附郡
邑矣棘闈取士簪則梁苑張羅而後

借置百泉書院今始議修復矣其人
物忠節之盛如劉湛六先生理順殉
于京師呂豫石先生維祺里居盡命
前後皆蒙旌表而賀景瞻先生仲軾
掛冠已久可以不死而死者猶未嘗
題其墓而封之由是觀之今簪不同
又何可枚舉也居今而稽古使一邦
之中凡有所宜表著鑒觀者詳略紀

載者盡闕焉而不講徒恃嵩嶽太行
業業如礪河淮濟洛潏潏如帶過矣
豈

今天子明備一世之意乎斯舉也使向
之所謂廢闕者皆得朗備如日星將
見普天之下是則是效庶

皇清大一統之圖書罔不肇造其在斯
乎其在斯乎


河南通志

許序

四

少卿

順治庚子仲春月朔太僕寺少卿前
經筵侍班文林郎兵科都給事中古新
樂城許作梅書於燕京之退思堂



序

粵稽軒轅制萬國九丘之書其詳不可考已肇州十二見於虞書後復爲九今之禹貢具在析其田賦方物而紀其運道於天下之中曰荆河惟豫州豫者順也雷奮地中謂之豫天地順動四時不忒聖人順動刑罰清而民服取卦之豫而名州蓋以陰陽所

會風雨所交人稟中和之氣以生常茂豫也自古宅中圖大率晉重之闔閩中夏輻輳四方彰德懷衛以障河北嵩山雒水以蔽山南南陽汝寧直走襄黃開封歸德通衢淮濟寒暑不偏種植有恒土厚而地廣土重禮義而俗尚質朴豈非以黃帝太昊之所經營而周漢宋之所臨御者哉夫子

作春秋以鄭宋衛陳近在王畿其事
頗多皆會盟刑政之大者嗣是周禮
班范諸史言封域而山川土田民物
風俗兵防之類未之詳是以後世之
聞人始著爲志亦古史之遺意也然
古史之失在略今志之得在詳也志
在宋有祝穆方輿勝覽嗣陳公循倣
寰宇通志爲一統志桂公萼述輿地

圖各爲紀叙于晉羅公洪先準宋人
朱思訓廣其圖胡公松增表所遺益
稱精密鄭公曉本輿地叙爲地理志
兼質有其文此數君子者皆循史爲
志而以中州之大列于天下之中其
事不詳亦猶古史之略也通省志寥
寥不多見獨楊公慎志四川稱特出
今

上御極之十五年

膠侯賈公以大中丞來撫中州稔知上以中州爲腹心根本重地復深知中州彫劫之餘其爲政也寬厚持大體以軫恤民瘼省刑薄斂勸農課桑爲第一義而加意旌賢能以明勸剔貪殘以示懲不期月治蒸蒸起矣

天子隆寵之晉秩中樞兼宮保公又謂

河南通志

梁序

三

少卿

薄斂勸農必自經界始而八府十二州九十六縣之田賦多不額問之典守各無舊冊可稽高下任胥掾自占者復不實愀然曰此文獻不足而籍忒故也嚴檄徵八府十二州九十六縣之誌誌具而體要容有未協援據容有未確獎抑容有失中繁簡容有失當是不可以入告

天子當黼宸之助迺開局集英授以窾
綦具稿而手自筆之削之書成詳而
不蕪略而不遺其大者形勢之阨塞
戶口之增減錢穀之輕重風俗之奢
儉賢才之多寡瞭然畢見羽明讀既
而嘆曰治道在是矣可以上告之

天子矣夫嶽有五嵩山在雒淮之中瀆
有四濟淮居中州之二爲中州鎮川


不爲害而黃河自孟懷而下迄于宋
之虞城考邑率汎濫四出傍河州縣
無論矣且竭通省之物力以禦之是
黃河之害不在懷汴之府縣而諸府
縣波及之矣於志而得僭役均力之
政焉諸議恤議蠲者已普及之不與
他省同嚮中州戶口以萬億計野無
不闢之萊富商大賈輪蹄萃焉今生

齒蕭條荒蕪遍野百貨乏而五穀涌
貴本折入中筦無幾蒞位出治散寄
他所不居省會於志而見不富不庶
之象焉諸生聚愛養之方已首及之
談政之美者稱黃龔召杜卓魯輩談
學之正者稱賈程談業之偉者稱韓
富談文之大者稱昌黎繼起者亦既
肩比踵接矣世轉風移徽緒難賡高

山之仰自止凡民之興有待斯志也
崇節槩則日星增輝重清流則桂檀
續韻分蘊于薰而衾影弗畏手目怙
受者凜然冰霜之在背表篤行孝弟
于幽微則深谷之蘭抗風愈遠窮岩
之松凌雪更茂所謂嚴褒貶以別淑
慝一道德以同風俗者歟此三者皆
公所志之大者公於聽政之暇首成

是書爲各省先觀是書公之治績見
矣於以式天下傳後世繼禹貢周禮
諸史之後當雁行也

順治庚子春清明前一日太常寺少
卿豹陵梁羽明盥手謹撰



序

宮保大司馬膠侯賈公撫豫之明年
亟亟焉下修志之檄於八郡十二州
九十六邑八郡十二州九十六邑亦
莫不亟亟焉告成事摺摭而臚列於
壇坫之間公乃集官與野之良史才
以簡以稽彙括之爲通志凡五十卷
綬方深山樾戶滅影公庭公以書來

屬叙於稗野綬里人言里事義不得
辭顧念吾豫之文獻何如乎闖寇烽
煙一起虎牢鎬礮頻聞血染天津魂
啼望帝火焚桑落骨燼伏羲桐栢弓
鳴祖逖何方避地嶮岬竈滿黃巢盡
日飽颺汴人旣與城殉睢陽無復巷
戰已而藏書繫頸盤谷空烟偶語屠
腸蘓門絕響銅雀全隳瓦出韓陵僅

有石存二十年來夾河一壘不第成
臯廣武爲古今戰場也噫豫盡矣志
於何有夫今之所謂志猶古之所謂
史也自孟堅易子長八書爲十志江
文通亦謂修史之難無過於志者是
未可嘗試湧爲夫人而知之矣茲八
羈十二州九十六邑簿書期會宵旦
弗遑或命胥史錄舊牘稍一點竄以

塞白者勿論已卽文士不皆史才而
欲其事典核文雅馴固不必一一懸
之國門於此而采輯齊壹哀然秩然
擇焉而精語焉而詳遂以卒業而無
憾也噫公殆爲其獨難者歟蓋志在
熙洽於例爲因不可已而不已述者
快事志在鼎革於例爲創不得已而
不已作者憂思不必盡與往例同而

體勿敢稍乖不必盡與往例異而義
勿敢或盪羈何以無浮於邑省何以
勿浮於羈是固十七年來人所徘徊
瞻顧縮忒蜷局而未敢輒承者卽公
之幕府填淤建牙外黃如故也乃獨
銳意舉之母中格毋旁撓因耶創耶
謂非獨難者耶河嶽者天地之肺腑
中外之咽喉也聲名文物史不勝書

咎若彼滄桑陵谷指不堪屈今若此
豈盡天時地勢之懸殊歟抑剝復之
數莫不以人事爲胎息前此之官斯
土者陋斯窳窳斯安安斯久久斯忘
焉矣使一旦勒圖書而奉若象魏若
捺券而責所償案簿而呼之應以之
再造中州也何有矧中州非五方可
同日語也緬彼江海莫不有天地自

然之利而千里黃流於斯爲濫宣房
瓠子歲歲有之上與下雖欲蒙業而
安一勞而逸不可得嗚呼無人事終
無中州矣當闖寇之發難也公方世
家河東洎中原淪陷卽投筆離鄉提
戈躍馬乃與一二偉人痛哭秦庭開
關決戰風發火裂幾得志於邾鄧之
間已而

天運有歸明恥頓雪公乃卷甲臥鼓歸
命京師席分總憲位陟司空已乃以
大司馬擢撫天中晉階宮保前後二
十年望嵩少鬱鬱追憶箭鏃刀鋒骨
山血海曩之髀肉據鞍鴻毛蹈刃猶
赫赫若昨日事也邇者立馬隋堤故
宮殿露鴟吻麗譙坼墜睥睨齟齬五
城闔不沒纔如甕牖爾撫景物之移

換發今古之慨慷憑吊河山惟此爲
易興易亡之地又烏能不愾然悲惕
然恐鯁鯁然於人事也哉繇斯觀之
公之再造我中州也嘗兜鍪鞞韜叱
咤於三尺而不得者將跌膝衽席嘯
諾於三寸而得之疇安疇危孰勞孰
逸而猥謂公爲其獨難者何也公撫
豫二年矣改輪蹠而疲以起履畝媵

而累以除嚴觴豆而習以變凡人心
所欲爲輒力以赴之朝考夕糾若不
獲一刻稍釋焉者人見其舉數大政
以爲是豫蒸蒸日上治矣公曰未也全
勝具在豈備官而未之聞耶然則是
志也非徒表星野形勝風土儀文以
崇飾觀聽也將以之責備吏治以裨
益民生而法戒於人倫物理之間記

曰有其舉之莫敢廢也亦曰前事之
不忘後事之師是公獨爲人之所難
而憂思政未有已卽亟亟焉可也
皆

順治十七年歲次庚子仲春月上浣
之吉

賜進士出身右春坊右中允兼內翰林

秘書院編修

河南通志

王序

六

編修

勅封儒林郎前國史院編修加一級
予告侍養大梁王紫綬謹序



序

大中丞膠侯賈公豫史成走書關內
以余家嵩邙漕穀間應有弁言授余
而讀之如發東觀秘錄摩娑鴻都瑤
篆何其典要精詳確然爲一代垂信
焜煌不刊也哉粵惟荆河列疆秩自
禹貢其後稱夫得陰陽風雨之和土
圭測星姬公旦寔肇啓三塗嶽鄙以

河南通志

陳序

一

控周魏鄭韓申鄧宋宛鄘邶衛之郊
而大梁喉咽南北居其都會諸九譜
之天官五行輿圖年表龍貌鬯畫燁
燁汗青漆書中者前誌固縷之矣然
而義類未宏觀感猶弗備也日者流
人沸羨剗割黃蓋水毀金痍舉百萬
旄倪而啾啾鬼哭血我汴洛石我覃
懷彌望皆黃茅白葦奚版籍之臚之

有文武百吏散署郡邑故老遺英彫
謝無幾兼以冢壁所藏半屬煨滅奚
蠹簡之撫之有適值今

天子特簡良弼爰命賈公開府良岳惠
鮮安定憫尾頰卹澤嗷亦旣勸課農
敏清覈銅海戶齒漸登猳猓坐戢矣
而且登太室以高凭泛崑濤而遠溯
遐攬方城六鷁之雄封傍涉雀臺百

泉之形勝舉察省風俗籌咨利害豫
州之顛末要領已燭照掌錄不啻司
馬氏歷龍門揆禹穴鑿鑿其言之也
而後乃彙輯舊牒徵採新聞虛衷訊
謀商訂於憲副繹堂沈公抽藜閣之
瓊製廣羽陵之鴻裁搜鄴架之逸編
鈔紺園之斷碣敦禮名雋賴來江國
撥雲徵引雅流不棄西京求仲纂始



纁夏告成白穠質而斌瞻而茂鄭重
而有體褒勸而匪誣一披卷而治亂
因革奢儉污隆百王興替之故出其
中山川奧絡英哲瑰瑋千古文獻之
原出其中抑且忠孝節行理學幹濟
萬物挺植之本出其中眎夫勾異志
括地象道元經名山記人物考僅各
臚其一端耳至若察名辯義徵顯闡

幽該貫天人磅礴倫紀竟以茲書駕
軼其上直欲掩映廿一竹素作經世
訐謏允也義類條晰觀感醇美誠冊
府之琳球史家之笙瑟矣昔蕞爾虎
牢辭命集長數子而潤色則總之子
產況今掇秦焰之殘哀楚炬之餘不
有膠侯賈公倡其先繹堂沈公繼其
後胡克使筆椽扛鼎腸繡吐凰襄戟

轅之副墨竣菟苑之曠典也歟吾豫
曩何不幸而罹嚙天吳釜魚剩魂幾
胥殲于猴沐又何幸而日月昭蘇重
光重輪俾億萬年迓續純嘏據楷模
以敷政事將從茲志告權輿焉故繇
藩臬百執事二千石州牧邑宰戎閫
萬夫長千夫長暨賢士大夫之蒞斯
土生斯鄉遊斯地者樂讀成書而要

不可忘所始也余不佞羈鞅鶉首踊
聳操觚聊附玄晏以鳴厥盛寧敢襲
蹈餽釘自飾誦踈已乎亦曰有八郡
之掌故在時

順治庚子中秋關內左藩前詹事府
正詹孟津陳爌謹叙



序

域內諸名嶽鉅川通都大邑忠臣孝子節婦義士其體魄英華至性血誠直與玄黃共不老然莫不以文章家爲司命焉是以水注山經稗官野史及碣銘讚頌序記種種諸文大抵爲川岳傳神爲忠孝節義招魂不死者也然山經水注稗官家言及碣銘禱

頌之文無所附麗一以所產郡邑之乘爲皈依而通志一書又郡邑乘之尾閭海也舍是則名岳巨川通都大邑忠臣孝子節婦義士其體魄英華至性血誠都歸銷沉而天地荒落古今長夜矣中原寇禍蔓延二十載金戈鉄馬之聲聞千百里所至屠城飯人名封鞠爲茂草一切十庫之書二

酉之藏復遭秦火後第一虐燄而兩河通志一書遂化爲烏有矣

清朝定鼎大河迤南汜可小康官民皆以衣食租賦爲第一義而通志一書卒無過而問津者是以節鉞重臣開府而治者前後凡三四臨迄無成說豈前節鉞重臣盡不畱心文獻也厥有數難郡邑各自爲書如風俗名勝

郡邑臚列無幾徧載之則汗牛充棟節取之則掛一漏萬編葺難災異禎祥黼邑摻括無遺盡信之則蛇豕牛身失之怪痛芟之則光明白地失之俚論定難節義理學郡邑耳目易核繩以我見則幽光不發恐生孝婦之早盡憑人臆則屠沽成市遂來買菜之謠去取予奪難况史局弘開則牛

耳互執一人一事遂成蜀洛之黨相
爭相難不無朱陸之異則消我見化
成心之難坐此數難是以獻歲之曆
凡十七頒而通志不可問如故也天
祐中士不忍使文獻掃地乃以我
膠侯撫軍蒞中原撫軍下車殷殷以
通志爲已任捐價遠購不惜重金則
如漢武之求遺書逢人博訪無嫌頻

復則如黃帝之拜下風而且徵車四
出禮八郡士之擅三長者迎之別館
則又倣月令聘名士之遺文也屬有
丈量之役與江淮之警撫軍應之有
餘不以踏勘烽火分我部署于是諸
名士受撫軍約束取郡縣史刪繁就
簡去疑傳信勒成一書傳之萬世兩
河之士皆抵掌撫軍之有千古也予

養疴長干閉戶不通一客方以不獲
早見盛舉有畱滯周南之感而撫軍
不遠千里頒八行問序豈但檄文之
足愈頭風也遂握筆序之以志盛舉
兼快我豫州名岳百川通都大邑忠
臣孝子節婦義士一旦之獲所皈依
不致荒落黯淡也

順治庚子始秋原任江南池太道前



河南通志

張序

四

浚儀

吏科都給事中張文光拜撰



序

今皇帝御宇之十四年

大中丞賈公來撫中州下車之初檄
下羆邑徵遺編詢故實越一年而羆
邑之志集於是聚耆俊分纂之而總
其成又越一年而書竟已亥秋余適
京師取道雍丘公命余序之序曰河
南在禹貢爲豫天地之中爲腹心天

河南通志

李序

一

侍講

下之樞也其星宿則二十八宿中得
十焉梁汝爲角亢氏周宛爲柳星張
鄭衛爲室壁宋爲房心較之北數千
里一昴南數千里一斗牛不啻殊也
其山則太行背環荆山面峙左據蕭
碭右控崤函其川則洪河襟帶伊洛
漕澗之旋滙漳汝淮濟之廻遶其田
賦則厥土惟壤下土墳壚漆臬織纊

所產各異其風俗則魯而碎尚耕鑿
而黜萃靡其文則龍馬負圖玄龜出
書伏羲之卦文王之易胥肇于此其
人則伏羲之外朱襄神農黃帝高辛
夏禹商湯漢光武宋太祖以及伊尹
鄭僑程顥程頤邵雍許衡之屬其都
會則亳及洛及宛及鄴及許及汴皆
國祚綿延子孫相承其要害遠不具

論六朝南北爲邊地兵戈紘擾明之
興以賈魯濬河而天下騷動起而乘
之我

清定鼎亦以中州流寇充塞而後由秦
而煽禍于燕公下車之初周覽豫之
星宿度數漸移而東而非其舊躔也
周覽豫之山川替則材木繁衍翕河
順海今則濯濯荒榛潰溢不時也周

覽豫之田賦咎則家衍人富桑麻沃
野今則蓬蘽千里鴻雁載道也周覽
豫之風俗咎則服賈耕鑿今則矯虔
健訟也周覽豫之人文咎則絃誦禮
樂彬彬大雅今則生聚教訓實瘁心
力也周覽豫之形勢咎則宅中定鼎
今則鎖鑰獨急也於是日討月論八
郡一州數計周知燎若指掌彙爲全

志窮何以變變何以通通何以久治
中州之道盡于此矣中州爲腹心腹
心理則天下皆理治天下之道盡于
此矣漢蕭何入秦獨入丞相府收圖
書盡知天下地利相業爲漢一人宋
趙普論語一部手不釋卷卒開宋三
百年太平公之通志蕭公圖書趙公
論語可以方之轉盼佐

綸扉將見黼黻

國 一 盛事 世無疆 北

堂諸書徒競藻繪烏足比公之萬一

耶

順治庚子季春內翰林弘文院侍講

商丘李日撰



河南通志

李序

四

侍講

序

今夫志何昉乎昉於史循蜚諸紀荒
唐未足信也文明以後代有史臣紀
載之詳書事之直至周益備上自王
國下至侯邦窮鄙陬邑莫不有紀是
有職方小史外史太史之稱咸陽一
炬蕭鄴陽先入丞相府收取圖籍猶
幸得識天下人物戶口多寡山川阨

塞之數厥後或爲十道志或爲九域
志或爲寰宇一統志總倣古史之遺
以紀故實備考核垂法戒典至鉅也
不佞昔同先文安公隨史臣之後流
覽載籍每嘆一代之興各有信史以
志一統之盛我

清混一區宇業十七載幅員之廣文物
之盛因革之詳剗制之美生齒之繁

固遠過前代通志一書所以大一統
紹前徽詔後襪纂修尤不容緩前撫
軍吳公嘗檄下八郡旁求舊志設局
纂修兵燹之餘煨燼斷簡僅存什一
城郭是而人民非文獻未可問荆棘
布而汙萊滿則壤未可問奔走疲而
室家化庸調未可問供億煩而心肉
剝租賦未可問高岸谷而深谷陵山

川雲物未可問官斯土者日從事于
癸庚戊巳中奚暇諮故老搜遺牒延
名碩從容於片槧半碣之間哉

今撫軍賈公仗節鉞撫綏我中州百度
維新創爲修志之舉通行兩河網求
舊章博采稗乘敦禮耆英開局哀輯
其有舊志未載近今之事者而因陋
就簡不諳體裁者更延名碩訂正務

俾闕略咸輯今昔備載詳爲校讐三
易稿成帙時不佞奉

召過里撫軍公飭批徵言命弁簡端不
敢以不文辭於是撥冗伏讀其間星
紀輿圖山川風俗人物祥異上下千
百年文功武烈因革損益不啻入冊
府而覩琳球眎百家而奏笙瑟也體
裁嚴而正叙事約而該摛詞典而確

去取詳略允稱信史昔孔子因魯史
作春秋千載而下不得目爲一國之
書茲志之成豈直目爲兩河之書哉
自茲以逞相繼增修俾弗闕略庶不
使後之視今猶夫今之視昔也不佞
戴星北上全書告成珥筆而贊一詞
若夫學愧二酉才乏三長不佞綴辭
吐鳳雕龍之後實昭予醜也第從全

書所載而質言之如此

賜進士第太常寺少卿前內翰林弘文

院纂修

聖訓侍讀學士王無咎撰



河南通志

王序

四

序

若稽古治逖覽皇風草昧初開井疆
攸判三千餘軸紐地柱而相牽二十
八星貫天根而下燭惟媪稱富惟帝
養材積塊積形問廣輪於豎亥爲經
爲緯掌土會於司徒惟有白茅黃土
之封遂分三壤五色之異若夫吾豫
實乃神臯鳳貌弩弓斯推膏腴鼠肝

黎埴茲曰墳壚黃裳苞河嶽之宮墳
宿宅風雲之府一畫肇出天開造化
端倪九鼎旋營人扼神州腰領轅轅
伊闕四關四塞爭雄河內關中東漢
西漢并峙佳哉南陽地氣割楚而跨
荆巍矣趙氏王京蟠龍而伏虎弔魏
武於鄴下雲生銅雀懷康叔於淇泉
風紀千旄汝南多才尤傳漢世宋州

沃野舊祖周賔此豫之大畧也若乃
聖神節烈之繁禮樂文章之脩土風
吏治之大戶口庸調之宜田疇庠序
之修城郭甲兵之衛籓封守令之別
關梁陵墓之遺雖振古以如茲歷於
今而稱盛是蓋躬逢
堯舜乃獲親炙周召

中丞賈公開國軼才救時元老虎頭

鷲頷獨當一面鎮中原紫電青霜身
作長城抗萬里夏雨與春霆交響光
風偕湛露齊飛憫廿載來疫癘饑寒
盜賊水旱民亦勞止幾煩

聖主傳餐撫八閩內民生物產鐘鼓桑
麻績用有成已見斯人擊壤作丹艸
理梓材藻漫漶之乾坤維新似錦戒
繭絲勵保障鑄支離之州縣不缺如

甌顧以爲實事託之空譚特書生淺
技民俗編成國史實

盛代良書爰當三年報政之期上追列
國陳詩之義博求往制周諏聞人挈
其大綱裁其衆目劫灰中斑駁蝌蚪
盡入毫端羸火後破碎縹緗悉歸意
匠志同蕭相棄財物而取圖書文倣
班椽勒天文而臚食貨酌今酌古本

政書上自林勲紀瑞紀災五行論校
之劉向所謂興繼絕廢潤色鴻業作
千襪之金繩豈徒曄若春榮瀏如清
風誇一時之彩筆嗟乎郇模三十字
堪告楓宸鄭俠一幅圖亦藏金匱況
夫

上有崇文之主下覩爲憲之臣烏黑無
歌河清有頌奠九有之脊則秦首不

濡而吳尾不搖禮三呼之嵩則日際
來賓而月竈來享東都雖好學亦遭
遇乎斯時草野愧無文聊拜颺夫盛
事謹序

皆

順治庚子夏杪

賜進士出身原任江南督糧道前內翰
林秘書院編修嵩陽傅作霖撰

河南通志

傳序

四

編修

原任工部右侍郎傅景星謹序



河南通志

傳序

五

編修

序

大司馬中丞賈公修河南通志成屬
岳序之岳聞有家者隨其家之所有
而籍記之其常也凡其田晦租甌錢
貫絲縷鼓合醬罌僮指之數此織勤
治生者之所詳而游閒華飾者之所
略也凡其池館花樹狗馬圖畫古物
珍器之數此游閒華飾者之所詳而

織勤治生者之所略也二者則更相
笑矣而家之所以爲家者則固在此
而不在彼也與郡國州邑之有志自
古而已然亦有謂隨其郡國州邑之
所有而籍記之其常也禹貢周職方
豈非志國邑者之所權輿也哉然自
後世觀之則見其有瑣細而俚俗者
矣夫其田賦高下之異等墳墟黎赤

之異壤九鎮九澤之異名五方九圍
之異俗其列而載之可也至于篠簜
筥籥淮蠙江龜海鎔之織細則類於
草木蟲魚之書而歲時男女輿服好
尚之紀則近於閭井村俗之談古人
何若是之瑣瑣也蓋苟有切於利器
用而阜民生辨陰陽而蕃孳息則固
不得以其穢雜而略之而況其大且

重者乎其所載而詳者固然則其所
不載者亦可知矣後之所謂地志者
往往無與於觀民省方激揚感發之
旨抑何異乎家之籍專以玩具爲粧
綴而所以需衣食之急者漫不足徵
也其亦何取於爲家也與知家之有
籍本以治生而非以觀美國邑之有
志本以經世而非以博物則得之矣

河南爲天下中北聯于燕于晉于魯
西界于秦楚東接于淮南抵于江其
間之山川嵩嶽黃流而外蓋亦多矣
其間之人物職官政賦禮樂之屬數
經沿革而繁曲難紀風俗隨其所近
之地而各異是以一中州有數方之
風氣然其所以仰遵名教大同至正
之理則無別焉今一一疏析其山川

人物職官政賦禮樂之屬爲感發其
風氣則八郡之所處雖爲殊方將風
俗日底于熙隆皆此志之功也皆
賈公之化也蓋

賈公之操觚授簡深有合于觀民省
方激揚感發之旨而非徒飾夫文藻
之觀也噫嘻國志之與家籍體裁雖
殊至其的然當于實用而有裨益則

一也夫前人以其所用心而著之籍
記後人因其所籍記而得其所用心
而守之是以家道能常興而不墜此
志者中州之籍記也後人當于志而
知
賈公之用心爲之惕勵焉則志之爲
功于中州且千百世而不窮文誰不
歎服其善乎是爲序

河南通志

李序

四

永城

順治十七年歲次庚子六月

賜同進士出身原任提督江南蘇松常
鎮淮揚徐州等處學政山東道監察
御史永城李胤岳謹撰



重修河南通志敘

歲庚子

今上十七年

中丞賈公重修河南通志告成條例具備品節詳明事以郡紀文以體行同時襄厥事者洵足以彰公美政追歷古中邦人文之盛蹟爲

河南通志

表序

一

後起者釐剔整振之扶助矣先是公檄屬郡邑鳩集分領是役者如以僻處弗獲與暨克成如無可售梓亦無可紀言公以會城文獻之首繁如獨無再命如紀敘于諸大夫國人之後如因掇全志覽之而拜手曰志也者所以續述逮古而

克邁後茲者也分星區野以來幾
千季于此矣此邦之盛事略可道
者惟此得而詳要焉如也晚處一
隅不克見此都人士全盛之醇風
披是志也則宛見此邦之舊習且
以宛見前此寢昌寢熾之盛運併
憶及近此漸衰漸盈之遞乘而望

及後此恒躋恒泰之昇平也則分
陝而治周公左召公右之風何以
賡也則澗水東灑水西東周之休
美何以追也大梁之墟魏公子之
勝槩猶有存諸梁孝王之苑人文
安在邪東漢之英義南陽弘農豈
盡不可問乎汝南許下之遺俗何

以多人鄴城之河朔何以多士覃
懷底績河內之保障輸守固在也
太行孟門淇衛之濱不多君子與
卽土薄水淺宋中朝之人物何以
特勝往古而王京侯封金元迄明
巋然中土標四隅也有明三百年
此地獨不爲亂首而憑城卻寇柺

腹守邦孤壘之人心與一代之祚
運相終始其養士維風之道持久
者安在乎而謂志中之名業不克
俱此則千古之志是者抑何事千
古之事是者抑何人卽千百年之
哲君賢相名侯公大夫之輔翼者
抑何志之經理何事之建樹何人

之猷略也如因是跡而閱之以表
作新此志者之盛心與襄成此志
者之雅意見成此志者之心猶然
千百年世風民俗之盛心志此事
者亦猶然千百年英人偉士之雅
意也若曰是志也烏足以及此則
試問千百年之山川人物宦績政

業所以經緯此邦克圖永久者何
事也敢不爲披圖覽志者而佐籌
之因拜手以附于後

順治丙戌

賜進士出身原任內翰林國史院
庶吉士祥符邑人袁澹如敘



續修河南通志序

昭代定鼎之十有六年余奉
命宣政於豫時百廢未舉 大中丞賈
公首重文獻下檄於郡州邑各輯志
乘上幕府彙集河南通志進呈

御覽余既次諸公後綴弁語於簡端矣
迄今十有餘載諸鉅績稍稍振興余
因載筆以補前志之未備焉念豫自

流人縱焚掠八郡一州交罹其毒荒
草之內僅有斷垣墟落之中惟存胥
井然或城墉猶未盡廢官署猶未盡
圯惟省會當黃流潰隄凡茲玉津片
壤皆從蛟宮鼉窟弩戰而後復之及
其復也而百雉已入地中千甍盡投
磧下犛犛子遺出自魚鱉之餘者皆
東西竄走田滿汙萊畛畧不可復辨

矣 賈公方事清察次第興除於拮据之會求詳典故其亦鄴侯先收圖籍之意乎 中丞張公繼之爰克有濟張公諗予曰以今觀豫處沙澗中居無可守官司皆散駐下邑城署兩者當以何先余首以築城具說以進公乃下令速度地而崇其堞余晨夕蒙霧露沐雨櫛風後先張公巡董不

需時而已睥睨雄高樓櫓遞接居可寧出可禦矣因復爲公府之建則又烏臺雲矗列署星繁棘闈日麗駸駸乎斯革斯翬聿美輪奐是舉也官司咸勤厥事而所以急期會均租庸予一人尤兢兢事守之是勉也及今工作旣畢

大中丞郎公復以濬濠疏請

詔曰可旦晚鳩役以俟矣凡此者非特
爲捍禦計久遠亦以招徠鴻羽俾集
河梁爲

天子廣德化壯蕃衛云爾今數盈三千
天祥見於上官職勤於下簡軍蒐實
大聲援於四遠比見流移大集戶口
豐盈報開墾者歲以千百計田賦會
算日以加額聞自是學校崇閎廩興

甚盛於以激厲忠孝振揚節義爲傳
贊光榮貞珉烜燿者連城列邑彬彬
各有其人則宦遊此地司經綸草昧
之事者與有力焉例得竝書予且因
之有感矣梁創國自魏瑩世爲名勝
地賢若孟氏俠如信陵文如梁孝以
仁義忠烈才藝博物稱於其時者往
往不乏嗣後唐宋開藩建都其中抑

且公卿遊宴仙釋往來各有勝區爲
之瞻矚今皆湮滅無存後卽欲仰其
流風餘韻而廢址不修將何賴哉余
竊痛之比年博採輿論高賢享之梁
院公子祀於爨門相國仍唐代之名
艮嶽修宋宗之蹟以至拈花微笑亦
奉能仁延祐啓祥尤宣寶籙雖前此
之佳址委於泥沙而猶不沒其名志

所自始凡以使觀覽於斯者知棟楹
頓改山川不殊一覩其雲物氛氳而
遐古之景象尙可得之於意想之間
此亦憑弔往哲兼存二氏之微意歟
爰按類廣搜而增著之曰若者爲星
野疆域無改於今若者爲賦式丁男
有加於昔潤色良多或幾合璧矣若
古今志林載在碑版堪爲菑文垂永

久者仍廣爲收羅用備傳信余歷事
有年周旋旣久擬議斯真雖不敢謂
殫有微勞若以考中州之文獻亦不
無小補焉昔周命經營洛邑旣公旦
行謹愆之政矣猶俟君陳畢公相繼
爲治始允升於大猷今日之事惟
賈公克慎厥始惟 張公克和厥中
惟

郎公克成厥終則茲之鞏固豫壤以
爲

皇畿屏翰將與成周比烈矣識者手此
一編覽新故之殊形如創修之不易
是則余樂觀厥成之志也夫

皆

康熙庚戌仲冬穀旦

河南等處承宣布政使司布政使加

十級徐化成撰



河南通志

徐序

六

進

呈通志疏

欽差巡撫河南等處地方提督軍務兼理河道兵部
尚書兼都察院右副都御史加一級解任候代

臣賈漢復謹

題爲恭

進豫省新誌以備採擇事臣聞

國有史省有誌誌雖不敢上侔國乘而所以紀往
蹟昭來許垂一方之典制表四國之觀型者端
於誌乎是賴臣椎魯無文恭承

河南通志

題疏

一

寵命填撫豫土除軍

國大事仰竭愚忠外竊思贊同文之治者莫大於
修誌一事第中州二十年來兵火交訐文獻同
燼亡論曩時盛軌不可復睹舉輿地之廣袤山
川之險易關梁之要害建置之因革與夫風俗
之淳澆方貢之輕重戶口之盈縮人文之盛衰
俱無從博綜而周知之倘不於此時急爲修纂
恐簡編旣已淪亡老成又復凋謝世遠人湮更
難稽訪用是急行修舉自順治十五年三月始
檄催各郡縣新修厥乘仍廣延名宿博採群書

開局彙修期無遺漏中有紀載未明情事不一者臣復盾之該博官紳詳加校訂于順治十七年五月內編纂就緒剗剗成書總計五十卷雖採摭未富刪修未工然一展閱而八府十二州九十五縣之輿地山川關梁建置風俗方貢戶口人文莫不犁然在目異日

皇上纂修一統全書或亦可備採擇之萬一也爲此具本專差承差賚捧謹具奏

聞伏候

河南通志

題疏

二

敕旨順治十七年十月十五日奏十七年十一月一十四日奉

旨該部知道志書留覽

河南通志

凡例

- 一通志與一統志不同一統志別有會典故職官選舉戶口之屬不載焉古今之文皆藝文也故藝文不載焉通志係一方典制槩不得遺因分類三十
- 一通志與諸史不同史垂法戒善惡並書志以扶獎爲主故紀善不紀惡要其指一也
- 一舊志聖蹟一條載孔子及諸賢列傳夫先聖先賢非盡產中州也何必飾以爲重故刪之

河南通志

凡例

一

- 一圖考皆重核訂正至星野河渠與舊圖迥別務期詳確不敢因循
- 一建置沿革表註相符以便稽考惟南北朝最繁尙有未備俟好古者增輯焉
- 一山川古蹟舊志遺缺頗多今擇其必宜錄者確訂增入
- 一古蹟見在者書廢置者亦書旣興懷古之思亦寓存羊之意
- 一衛所業經奉裁茲附載兵禦一條仍存前制以備稽考

一戶口田賦悉依順治十二年刊定賦役全書及十五六年自首勸墾地畝糧數細爲開載仍列歷朝舊額于後恐有損益便于攷鏡也

一職官止載前朝選舉止于科目皆失之簡今將歷代薦辟甲科廣搜補入并錄舉貢以成偉觀其隆萬以後河決會城各署題名碑滅沒靡存間有或遺非敢疎忽

一漢唐名臣舊志多遺以時促未及補傳止附見于職官之前

一通志最慎重者尤在人物中州名賢代出自上

古迄明初舊志已有定論其後續入非勲績品望卓然表著者不敢濫及也至孝義節烈風化攸關必確採輿情用昭公道

一寇躪多年屠戮甚慘凡被難者盡云忠義可乎今槩從實錄罔有所飾

一州邑志中有以人物稱鄉賢者似不若人物爲當至孝義隱逸暨列女僊釋方伎例宜盡歸人物今另列之從舊志也

一藝文各州邑所載近篇不啻充棟今登選頗嚴至前代詩文舊志逸者搜補十之三四蓋以古

人舊作流傳已久不可或畧也

一舊志詩文俱載各條之下惟贈言懷人諸作則另載耳今悉彙一編以便觀覽仍各分體裁復序世次庶使展卷瞭然

一奏議移文獨詳

本朝者皆係地方利害盡爲載入不厭其蕪

一小序止言大畧意有未盡復于題辭總論見之一舊志成于明嘉靖三十五年距今百餘歲矣况兵燹之後文獻無徵兼以刻期告竣攷訂雖費苦心采輯猶虞疎漏觀者諒之

河南通志

九例

三

一是書觀成雖速然采輯之後復加增訂讐校既詳剴劘亦善方諸舊乘或免魯魚帝虎之誚云

修志姓氏

總裁

巡撫河南提督軍務兼理河道兵部尚書兼都察院右副御史加一級

賈漢復
膠曲沃人

監修

巡按河南監察御史

李粹然
君遼東遼陽人

巡按河南監察御史

劉源濬
導直隸滑縣人

河南察荒監察御史

李森先
琳山東平度人

巡鹽監察御史

田六善
兼山西陽城山人

提調

河南等處承宣布政使司左布政使

徐化成
文昌平籍滿州人

河南通志 姓氏

一

協理

陞任提刑按察使司按察使

馬燁曾
觀浙江平湖人

陞任分守河北道布政司左叅議

李昌祚
過江西玉山人

分守大梁道布政司左叅政

王來用
行遼東人

分巡汝南道按察司副使張瑞徵
華山東萊陽人

編纂

分巡大梁道按察司副使沈荃
江西南清浦人

評論

少傅兼太子太傅工部尚書 劉昌
瀛州開封祥符人

禮部左侍郎兼翰林學士加二級 薛所蘊
行懷慶孟縣人

太僕寺少卿

許作梅

傅人衛庚辰新鄉

右春坊右中允兼內翰林秘書院編修王紫綬

金開封祥符

分輯

開封府知府

錢 綸

瞻直隸元城

歸德府知府

宋國榮

君用乙未遼陽

彰德府知府

王弘仁

甫德人遼東遼陽

衛輝府知府

程啓朱

伊念湖己丑黃岡

懷慶府知府

彭清典

山悟湖廣孝感

河南府知府

朱明魁

煌燦遼東義州

南陽府知府

王維新

周興遼東廣寧

河南通志

姓氏

二

汝寧府知府

金 鎮

長宛平籍浙江

汝州知州

楊國禎

宇肇遼東錦州

訂正

歸德府商丘縣貢生

賈開宗

江南蘇州府嘉定縣儒學生員

汪 价

江南松江府金山衛儒學生員

盛朝組

河南府登封縣舉人

傅而師

浙江嘉興府儒學生員

馮 樾

江南常州府武進縣儒學生員

唐獻圭

采輯

太僕寺少卿

許作梅

傳衛輝新鄉
岩人庚辰

右春坊右中允兼內翰林秘書院編修王紫綬

金開封適符
章人丙戌

訂正

歸德府商丘縣貢生

賈開宗

江南蘇州府嘉定縣儒學生員

汪价

江南松江府金山衛儒學生員

盛朝組

河南府登封縣舉人

傅而師

浙江嘉興府儒學生員

馮樾

江南常州府武進縣儒學生員

唐獻圭

采輯

河南通志

姓氏

原任深州知州洛陽縣舉人

丘起鳳

原任陝西扶風縣知縣扶溝縣舉人杜俊章

開封府杞縣舉人

馬之馳

河南府洛陽縣貢生

陳珏

衛輝府儒學生員

余命益

南陽府裕州貢生

杜元美

汝寧府光山縣儒學生員

耿山客

彰德府湯陰縣儒學生員

鄭檠

校閱

開封府禹州判官

郭百二

原任深州知州洛陽縣舉人

丘起鳳

原任陝西扶風縣知縣扶溝縣舉人杜俊章

開封府杞縣舉人

馬之馳

河南府洛陽縣貢生

陳珏

衛輝府儒學生員

余命益

南陽府裕州貢生

杜元美

汝寧府光山縣儒學生員

耿山客

彰德府湯陰縣儒學生員

鄭 檠

校閱

開封府禹州判官

郭百二

河南通志

姓氏

三

開封府新鄭縣儒學教諭

李一樞

河南府孟津縣儒學生員

梁 琦

開封府禹州貢生

劉 湛

開封府尉氏縣儒學生員

靳標嵩

開封府新鄭縣貢生

高瑞隆

督梓

陞任杞縣知縣

吳守竊

見任杞縣知縣

牛炳星

開封府杞縣儒學教諭

閻耀祖

開封府杞縣儒學訓導

李延芳

開封府新鄭縣儒學教諭 李一樞

河南府孟津縣儒學生員 梁琦

開封府禹州貢生 劉湛

開封府尉氏縣儒學生員 靳標嵩

開封府新鄭縣貢生 高瑞隆

督梓

陞任杞縣知縣 吳守竄

見任杞縣知縣 牛炳星

開封府杞縣儒學教諭 閻耀祖

開封府杞縣儒學訓導 李延芳

河南通志目錄

卷之第一

圖考

卷之第二

建置沿革上 有表

卷之第三

建置沿革下 有表

卷之第四

星野 祥異附

卷之第五

河南通志

目錄

疆域 形勢附

卷之第六

山川 關津橋梁附

卷之第七

風俗

卷之第八

城池 兵禦附

卷之第九

河防

卷之第十

封建

卷之第十一

戶口

卷之第十二

田賦

卷之第十三

物產

卷之第十四

職官

卷之第十五

河南通志

目錄

公署

卷之第十六

學校

貢院書院附

卷之第十七

選舉

武勳附

卷之第十八

祠祀

卷之第十九

陵墓

卷之第二十

古蹟 寺觀附

卷之第二十一

帝王 后妃附

卷之第二十二

名宦一

卷之第二十三

名宦二

卷之第二十四

名宦三

卷之第二十五

河南通志 目錄

人物一

卷之第二十六

人物二

卷之第二十七

人物三

卷之第二十八

人物四

卷之第二十九

孝義

卷之第三十

列女

卷之三十一

流寓

卷之三十二

隱逸

卷之三十三

仙釋

卷之三十四

方伎

卷之三十五

河南通志

目錄

四

藝文一
御製

卷之三十六

藝文二
賦

卷之三十七

藝文三
詩

卷之三十八

藝文四
詩

卷之三十九

藝文五
表
牋
疏

卷之第四十

藝文六

頌

書

啓

贊

箴

卷之第四十一

藝文七

論

辨

說

述

傳

卷之第四十二

藝文八

序

記

卷之第四十三

藝文九

檄

移文

議

跋

卷之第四十四

藝文十

碑記

卷之第四十五

河南通志

目錄

五

藝文十一

碑記

卷之第四十六

藝文十二

碑記

卷之第四十七

藝文十三

碑記

卷之第四十八

藝文十四

碑記

卷之第四十九

藝文十五

銘

誄

弔文

卷之第五十

雜辨
備遺附

河南通志
目錄

六

河南通志卷之第一

圖考

上古有圖無書中古圖書並存後世有書無圖則
 圖之先于書舊也召誥曰侂來以圖及獻卜周禮
 大司徒以天下土地之圖卜周知地域廣輪之數
 辨其名物豫界天中山河襟繞城邑星羅疆井繡
 錯固矣至若龍馬啓造化之靈神鬼泣蝌蚪之字
 蒼龜抉陰陽之義土圭定寒暑之經萬古圖書實
 肇於此是何可以不備作圖考志

河南通志

圖考


卷之第一

一

河南郡縣圖



河南南省



河南通志

圖考

卷之第一

二





河南通志

卷之第一

四







河南通志

圖考

卷之第一

五






河南通志


圖考

卷之第一

六



輝 衛
湯府德彰至北



東至直隸大名府滑縣界七十五里

既府封聞至南

河南通志

圖考

卷之第一

七

府 圖
里十二百一界縣聊



西至山西潞安府壺關縣界一百七十里

里十七界縣濟府

懷慶府北至山西澤州



南至河南府孟

東至衛輝府獲嘉縣界一百四十里

河南通志

圖考

卷之第一

八

陰縣界七十七里



西至山西澤州陵川縣界二百十里

津縣界四十一里



河南通志

圖考

卷之第一

九





河南通志

圖考

卷之第一

十





河南通志

圖考

卷之第一

十一






河南通志

圖考

卷之第一

十二






河南通志


圖考

卷之第一

十三

昔者伏羲氏之王天下也聖德格天天不愛道
 故龍馬負圖而出於河其數則一六居下二七
 居上三八居左四九居右五十居中以五生數
 統五成數而同處其方蓋揭其全以示人而道
 其常數之體也聖人則之以作易虛五與十太
 極也奇偶各居二十兩儀也以一二三四為六





四隅之空以爲兌震巽艮八卦也蓋五十居中
 有太極之象故虛之以擬太極奇偶各居二十
 有陰陽相對之象故則之以畫兩儀一二三四
 爲六七八九有陰陽老少之象故則之以畫四
 象析四方之合補四隅之空有乾坤坎離兌震
 巽艮之象故則之以畫八卦夫由一而二由二
 而四由四而八此乃聖人則河圖以畫卦之旨也

維昔神禹地平天成地不愛寶故神龜戴書而
 呈於洛其數則戴九履一左三右七二四爲肩
 六八爲足而五亦居中以五奇數統四偶數而
 各居其所蓋主於陽以統陰而肇其變數之用
 也聖人則之以叙疇初一曰五行次二曰五事
 次三曰八政次四曰五紀次五曰皇極次六曰
 三德次七曰稽疑次八曰庶徵次九曰福極蓋






在天惟五行在人惟五事以五事參五行天人合矣八政者人之所以因乎天五紀者天之所以示乎人皇極者君之所以建極也三德者治之所以應變也稽疑者以人而聽于天也庶徵者推天而徵諸人也福極者人感而天應也夫自初一之五行以至於九之福極此聖人則洛書以叙疇之旨也


河南通志 圖考

卷之第一

十五

畫卦臺在陳州城北一里許





繫辭傳曰易有太極是生兩儀兩儀生四象四象生八卦邵子曰一分為二二分為四四分為八也說卦傳曰易逆數也邵子曰乾一兌二離三震四巽五坎六艮七坤八自乾至坤皆得未生之卦若逆推四時之比也後六十四卦次序放此

說卦傳曰天地定位山澤通氣雷風相薄水火不相射八卦相錯數往者順知來者逆邵子曰乾南坤北離東坎西震東北兌東南巽西南艮西北自震至乾為順自巽至坤為逆後六十四卦方位放此


河南通志

圖考

卷之第一

十六

演易臺在湯陰縣北八里許相傳為姜里城舊有文王廟昔文王居姜里時取伏羲八卦圖而更置之因係以卦辭焉



易臺圖



見說卦邵

子曰此文

王八卦乃

八用之位

後天之學

也

河南通志


圖考

卷之第一

十七

武王遷九鼎于洛邑意欲宅洛周公成之建王城以居九鼎俾四方朝貢均焉又營成周以處頑民俾密邇王室式化厥訓






河南通志


圖考

卷之第一

十八

洛邑天地之中故謂之土中書曰王來紹上帝自服于土
 中是時洛邑告成成王始政故召公以自服土中為言






凡地偏於南多暑偏於北多寒偏於東多風偏於西多陰唯中則得天地之正陰陽之和

河南通志 圖考

卷之第一

十九

測景臺在登封縣東南古陽城縣內周公定此地為中土立土圭測日景以驗四時之氣其地有觀星臺



先聖手書



殷太師比干墓在汲縣北十五里周武王封比干墓節此也墓前
有殷比干墓四字銅盤銘十六字相傳皆先聖孔子手書

河南通志

圖考

卷之第一

二十一

臺圖






嵩山居四方之中故謂之中嶽詩曰崧高維嶽峻極於天其山
南跨登封東跨密縣西跨洛陽北跨鞏縣綿亘一百五十里

河南通志

卷之第一

二十一





濟水發源于王屋山頂五斗峰下之太乙池乃伏流地中東行九十里復見于濟源縣西二里匯為二池所謂濟源池是也

河南通志


圖考

卷之第一

二十二



之圖



河南通志

圖考

卷之第一

二十三

淮瀆



淮水發源于桐栢縣西二十五里其源若井方一丈東伏地
 中二十五里始見為河而注之海禹貢導淮自桐栢即此也



王屋山在濟源縣西百里以其山形如王者蓋
 故名或曰山空其中列仙居之其內廣濶如王者
 之宮也禹貢曰底柱析城至于王屋其絕頂曰天
 壇蓋濟水發源之處也

河南通志

圖考

卷之第一

二十四





河南通志 圖考

卷之第一

二十五

蘇門山在輝縣西北七里乃百泉始出之山山之麓有百泉書院昔晉孫登宋邵康節先生嘗隱居于此上有嘯臺及安樂窩





著草臺在上蔡縣東二十里近臺有水曰蔡溝舊有元龜素甲
縞身浮游其中臺之四周方廣餘二十頃有著草叢生其間

河南通志

圖考

卷之第一

二十六



